

libr. 3. συμποσιακῶν. Commendatur taciturnitas beati Laurentii, nolentis Ecclesie thesauros prodere impio Imperatori Decio. Papyrius prætectatus puer à matre minis adactus, ut quid in Senatu (prisci enim senatores Romani filios pueros in senatum admittebant, ut rebus gerendis à teneris assuescerent) actum esset, eloqueretur: quando quidem, inquit, tam importunè iustas, age dicam: Deliberatur, utrùm Reipubl. consultius sit, uxorem habere duos maritos, an verò maritum habere binas uxores. Mater persuasa aliis matronis rem communicat; fit concursus mulierum ad senatum, qui rem percontatus, prætectæ honorem Papyrio concedit: Scil. maluit Papyrius matrem ludere (qua in re vituperandus est) quàm arcana senatus prodere: (qua in re laudem promeruit.) Ab illa prætecta deinde ceu præmio taciturnitatis Prætectatus est dictus, Macrobius lib. 1. Saturnal. c. 6. Non igitur sine causa est dictum: τῆς σιγῆς ἀκίνδυνον γέρας; siquidem, ut Cato in distichis,

*Virtutem primam esse puta compescere linguam:*

*Proximus ille Deo, qui scit ratione tacere.*

Dignum est memoriâ quod Q. Curtius scriptum reliquit, Persas regum arcana incredibili fide celare, non metum, non spem elicere vocem, quâ occulta prodantur. Veteres reges disciplinam silentii vitæ periculo sanxisse, & linguam gravius fuisse castigatam, quàm ullum probrum: Joachimus Vadianus in descriptione Persiæ.

Hic quæstio obiter incidit: An κατὰ πάντας & semper vera sit regula: Qui tacet, consentire videtur? N. quia vera est non nisi in rebus jucundis & favorabilibus, falsa est in rebus damnosis.

2 Taciturnitati opponuntur in excessu Garrulitas, in defectu intempestivum silentium.

3 Garrulitas est, quâ quis in loquendo ad nimium, in tacendo ad parum deflectit.

S C H O L. Græcè dicitur ἀδόλεχρία, πολυλογία: Latine Loquacitas, aliàs Futilitas, Waschhaftigkeit / quum quæ taceri debent effutiuntur, quod vitium prohibetur Prov.

29. V. 20.